

11. april 2019

UPA2019/ 121

Ilinniagaqarnersiutit pillugit nalunaarutip allannguutissaatut siunnersuummik kingusinnerpaamik UKA 2019 sioqqullugu saqqummiusseqqullugit Naalakkersuisut peqquneqarnissaannik Inatsisartut aaliangiiffigisassaattut siunnersuut. Taamaalilluni ilinniartup ilinniarluni aallartinnermi kingorna, akiliunneqarluni angalasinnaatitaanini siulleq juullimi imaluunniit aasakkut atuannigfiup nalaani atussanerlugu nammineerluni aaliangersinnaaleqqullugu. (Inatsisartuni ilaasortaq Peter Olsen, Inuit Ataqtigiit)

Siumumiit siunnersuuteqartoq Inatsisartuni ilaasortaq Peter Olsen, Inuit Ataqtigiinneersoq qutsavigisissuarput.

Siumumiit Kalaallit Nunatta ilinniartoqarnikkut ineriartortinneqarnissaa pingaartittuuarput. Nunarpummi pitsaasumik ilinniartoqarnikkut ineriartortinneqassappat, pinngitsoorsinnaangilarput ilinniartoqarnerup polikikkut tapersorsorluarneqarnissaa. Taamaammat nunatta ilinniartuutigisai pitsaasumik, qulannaatumik nalorninangitsumillu sullinneqarnissaat tamatta pisussaaffittut anguniartuartaqarippat Siumumiit isumaqarpugut. Ilinniartitaaneq aqutigalugu upperivarput kivitseqataalluarsinnaassasoq nunatta pitsaasumik siunissamut ineriartornissaanut.

Kialluunnii nunatsinni inooqataasup angalanermi akit qanoq akisutigisinnaasut nalornissutigisangikkaat ilisimaarivarput. Kiisalu aamma nunatsinni inissisimaneq aningaasarsiorneq akiliisinnaasuseqarnerlu aallaavigalugu nalungilarput tamatta assigiimmik akiliisinnaasuseqartanngitsugut. Inuiaasugummi nunatta nunanut allanut sanilliullugu anginerujussuata periarfissaluttuuneratalu, nunanullu allanut periarfissagissaartunut sanilliunneqarsinnaannginnera ilisimaarilluinnarparput.

Uani siunnersuutigineqartumi pineqartoq ilinniartup nammineerluni angalanissaminut akiliisinnaneranik aasakkut imaluunniit juullip nalaani pisinnaanissaanik oqariartortoqarneranik Siumut paasinnippoq. Naalakkersuisulli saqqummiussaminni erseqqissarpaat ilinniarluni aallartinnermi qaammatit qulaaluaq qaangiunneranni feeriorsinnaatitaaneq atorneqarsinnaasoq. Kiisalu aamma qaammatit tallimat qaangiutereerpata aamma feeriarneq atuutsinneqarsinnaalersartoq.

Naalakkersuisullu aamma erseqqissaassutigivaat ilinniartitaanermut ilitsersuisartut qaammat maj 2015-mi inassuteqarsimasut tikkuakkaminnik tassa feriarneq siusissukkut pineqartarnera ilinniartut taamaatitsisarnerannut annertusaataasartoq.

Taamaammat Siumumiit Naalakkersuisut oqaaseqataannut tunngavilersuutaannut ilaliilluta siunnersuut itigartipparput.

Mala Høy Kúko
Siumut